

與俛反而相歡兮猶膠漆之相投左聯袂於穉川兮右駢
肩於浮邱采芙蓉以爲裳兮又奚暇豐狐而制裘宜種秫
以爲酒兮瀉長江而拍浮恐名記於御屏兮此邦不能以
久說副翰墨之清選兮縱高步於瀛洲胡強余而賦此兮
始將洗邦民揮筆之羞

國朝

龍潭賦

辛炳辰

粵以丙寅之歲清和之月有泮田之羅生遵河濬而步歇
介棗渡之彌甥造講堂而面謁出手圖於袖中繪縮本其

重修 二清 卷三
如髮印命氏於板心臚芳景而待核繫宗伯之後人宅此
間而煥發表輪奐於重祠蔭靈英夫清樾繞一帶於龍潭
襟長江而不竭時則余方與客促膝談天坐則龍山峙後
門則龍河湧前感蓼蓼兮疊鼓擁試水之龍船走安流於
上高衍蜀水之上源中徑小港盧江之水入焉其流乃滙
灑石而趨章門茲龍潭之水奔江同行蓋擊楫者之所迴
旋也生乃前言斯潭之奇自昔而記厥有蟠龍韜精游戲
鬱乎雲蒸弗可終闕夫其蜿蜒盤屈鱗游甲寄乃家山之
勝概鄉園之秀異風土所豐水木攸庇昨者家乘初標德

水曾識集賢夫子披圖畱意欲表形容將賦仍置願有述
焉以昭圖記之備也余乃謝曰未之游也請聞而識之生
乃稱曰懿夫龍潭之爲美也樟坑出其東水坑界其西獺
嶺依其隅獅峯阻其蹊照以三星之塘裊以三車之陂繞
以白鷺之泉護以水口之隄臨以盧家之石盛以洋田之
墟兆則爲蛇爲虎市則有樵有漁金洲剎古風岡林肥連
車飛灌枯樟垂稊爾乃開以向若之軒鎮以神仙之廟喧
牧唱於張洲垂綸竿以夜釣聆宣梵以悠揚步迎恩而清
嘯子姓之踪星羅謝李之賓雲繞若乃泮溪渡滿中洲人

重刊上高縣志 卷三
歸月過青蓮之寺兩歇湖田之犁廳鄰新舊之井坑分大小之泥世閱千年居遊娛嬉詩禮之風藹然將潛泳乎無涯指茲潭以伺期余曰信哉人地之宜也吾聞豫章十川蜀水之淵有二龍焉其濱臨龍山澤瀉龍江者陽樂之龍也其邁跡龍崗浸起龍潭者望蔡之龍也是二龍者異本合發豐城攸同斗牛之間啣吐熊羆化爲寶劍升降相從出沒隱現翔伏無蹤蓋至今各據上游未定其雌雄也由茲所述或奮於潭或進而江相去幾許分道靈通方今麥秋欲末蒲節正豐暖方辭於首夏令已屆夫天中靈旗煜

金鼓縱或揚馨兮東西之滸或躍浪兮南北之衝飛沫容裔烟霧彌空駕雲濤而益發騁鷁棹之雙雙爭錦標以成能均變化之無窮生喜而作伸紙徐步請余筆錄爲潭之賦

道世... 齊... 金... 東... 西... 待... 南... 北... 公... 來... 未... 取...

詩

宋

虛白觀

大寶山人

出郭十里許籃輿試初程山高雲氣重野曠烟光輕斷石
落樹根欹崖溜泉聲行行款道宇 逕掌樣平仙隱記甘
羅觀名取莊生瑤藏絢金碧仙風飛瑤瑛簷鐸自相語龕
燈弄微明出門境界寬一笑大江橫蹠躔白羽衣孤鶴松
梢鳴

息軒

蘇八轍

山下清溪溪上市溪光山色映人煙幽亭正在人聲裏長
與溪山共寂然

起亭

蕪 轍

漁父起收罾下鯉山翁起賣焙中茶長官亦與人俱起笑
擁黃紬放早衙

九峯寺

江西 蔣之奇
運副

沿澗扳崖入翠霞寺僧猶寄舊鍾家芙蓉秀出天河外我
欲名爲小九華

九子芙蓉畔傳燈彼一時誰無男女相試問末山尼

雲末峰

遙睇青冥絕險生山翁相指亂雲橫不知身世在何許但
覺滿懷風露清

飛雲峯

翠巘龍葱瑞色分嵐光遙映縷絲芬無心謾作奇峯勢何
碍金鳥出海門

香爐峯

天風飄飄浮紫煙誰把雪山香草然氣息不教落人世直
上紫皇青案前

翠霞峯

輓金蘋玉翠流輝
天嬪新開雲錦機
西望赤城標起處
宦情欲逐野雲飛

蒼玉峯

翠滴溪橋水沍澄
更深斜月映寒星
巉巖何代點頭石
卧聽高人夜讀經

芙蓉峯

擎天一柱萬山低
九朵竒葩秀一枝
多少好山僧占住
空王曾會範圍基

清流峯

飛泉練白地無塵
歛起千波湛寂身
靜挾飛仙忘世慮
卻嗤塵世夢中人

峨眉峯

翠黛輕拖促曉粧
雲歸鬟岫鬢蒼蒼
道人欲識普賢面
西蜀重燒十願香

天竺峯

藜杖芒鞋興不窮
萬山螺簇碧龍葱
青天一餉開圖畫
澗灑收歸慘淡中

生雲石

藤陰稜石煜金科磊砢常將風雨磨剛被閒雲生罅隙禪
僧迷失舊盤陀

至上高邑

阮 闕

上蔡人歸古縣封蜀江依舊水流東末山雲散菴猶在敖
嶺丹成井已空

曉發上高

城外斜溪踏水過不沿危磴卻捫蘿明朝又入宜春去想
近湖湘山更多

宣風道中

馬蹄西去夕陽催濃淡寒山翠作堆北雁無情秋怕熱帶
將寒信過江來

宿路口驛

孤猿啼處宿山村讀盡離騷自掩門寓意偶成長短句半
窻燈火月黃昏

禪慧寺

老僧指竹面如灰門閉寒雲冷不開車馬紛紛多少客端
知不是愛山來



行鄉一作勸農

邑令李揆

園林二月春纔半朝日曛曛天氣暖東風放盡柳梢青已
有黃鸝嬌睨皖波翻嫩麥綠連坡露入天桃紅滿眼筍輿
乘興入招提苾芻留我炊香飴山泉煮茗味更長又得禪
林半朝款兀突豐碑三百年古人事蹟今苔蘚臨風抖擻
簿書塵倚杖須臾歸已晚畊夫夾道看長官百錢贈汝聊
旌勸從容後騎毋疾驅要數前山蒼翠點

登縣樓

一水中分南北市挿天蒙末有佳山太平官府元無事聊

放衰翁半日閒

見說南樓秋氣多夜涼槐蔭影婆娑滿懷風月成辜負奈
此青州從事何

元夕雨

山縣逢元夕東風雨濺燈漁篝臨遠浦鬼火附寒藤酒市
可羅雀官僚皆曲肱狂歌吾老矣猶記舊時能

寒食出郊三首

寒食深山路桃花雨裏開可憐傳檄出不爲踏青來泥滑
竹岡下雞鳴田舍隈邛園二十里松檟有餘哀

春事遽如許勞人渾不知柳垂山闕處花發雨來時薄宦
祇憔悴故園成別離多情啼鳥獨與寸心違
往歲逢寒食青鞵踏落花題詩山寺壁沽酒野人家草長
春無際身閒意自遐時時縣亭畔畫遍水邊沙

吉祥寺

帶雨溪雲重依山石路斜聊乘阮孚屐徑入梵王家接竹
引流水栽籬護野花簿書有期會無地老煙霞

雙清閣詠雪

邑令黃伯固

箕伯宵聲怒鬣童早語哈飛花先臍白和氣覺春回暗動

雲都簇先憑雨作媒有情皆噤慘無物不低摧關灑吞平
野斜飛透隙埃朦朧山下路孤絕水邊桅厚載危傾壓陰
機巧剪裁溪流連底瀝蒙嶺徹尖堆妬舞時飄袖催詩賸
遣材高將淩玉闕清可並瑤臺密密疑霏屑紛紛認落梅
詼龜占穉稷宿鷺斂毯毳凍案呵吟筆高樓罾酒盃市衢
停轍迹香篆冷爐灰試問麻衣詠何如柳絮才一時聊紀
事著句郢難陪

淵觀亭

江山無古今闡發自我輩心期得地勝有目皆一快負郭

西繚川衆流翕以滙水光開三面結屋此其最囂塵劃清
漪景象極爽塏泓澄湛寒碧潭影尤可愛巖前列煙樹翠
色聯不解盤坳石下瞰林立錯奇怪雄觀喜新獲曠境了
無礙人謀孰使然天作若有待學宮爾多士游息於此在
豈但濯爾纓亦可湔爾佩翛然魚在藻行矣鯤化海維茲
淵覲名妙處默領會中庸至矣夫智者樂在內水德本無
虛人心亦清灑卽物以察已致之不在大清源堪疏滄世
慮滌昏昧曾子浴乎沂不出一唯外淡乎賈傅心或可分
一派

公餘漫興

蓼花秋水漫官衙令尹情懷自一家退食小齋無俗事閒
呼童子問桑麻

寄題綠陰亭

沈繼祖

洛下追收黃耳信林間聞報綠陰亭千章樹古虛簾接四
座風生羽扇停兄弟頭顱時感歎江湖歲月久飄零對床
風雨知今日清響何如得細聽

淵覲亭一作詠歸

邑令馮椅

弓轉寒流水一灣下臨虎豹踞爛編煙林閒處飛層閣雲

市窮頭護遠山衿佩光陰絃誦裹舟梁人物畫圖間紅塵
堆案那能到只有漁舟自往還

贈李崇義應童子科長歌

用杜牧之冬
日示姪韻

邑令

江 湘

通經應童科詩書尤所長生兒有如此族黨真有光五車
舉舌端觀者遶迴廊嶄然露頭角志氣何堅剛七歲古所
難一目書五行毋乃天帝孫為織雲錦裳自覺我形穢明
珠在我傍麟經究終始猿臂射藝場覆誦公堂上昔維十
月陽同僚發嗟嘆喜子同舉觴我非韓昌黎墜緒尋茫茫
猶擬作一序如送童子張讀書宜閉門不迎亦不將六經

漱芳潤閭然名日彰上書願鬻漢負鼎期干湯幼學欲壯
行少年非所當細字綴語言漏聲夜未央短檠提案前簾
幙風露堂博洽精經史縱橫驚皇王逢源欲深造不息思
自強上必希賢聖下期為雋良肯乎肯不再夜氣毋特亡
緬想唐宗室姓名今馨香長吉非凡流勁詞摩穹蒼錦囊
搜佳句詩體轢齊梁長源有仙骨頰笑餘子忙鳴珂乃言
志寧忍駒服箱卓哉二君子馳聲翰墨場願子勉未至多
歧戒亡羊舉動思古人遠到胡可量召見金鑾殿承恩七
寶牀假直秘書閣徧覽萬卷藏此是君家事射策宜為郎

萬人吾往矣所向俱披猖
蝨戒緣高失手千丈強散仙
戒追陪埃壒驚動勩顧我理一同強顏補千瘡催科政何
拙勸民務農桑戴星塵出入艱險身備嘗未等三徑盟徒
積九迴腸為米耻折腰卜居築林塘我賦歸去來觀子鵬
路翔更盡一杯酒富貴無相忘

寶雲院

邑丞游少游

石徑緣雲艱復艱不知蕭寺駐林間
餘香滿袖花驚眼空翠沾襟雨暝山
早晚報衙蜂擾擾友朋相和鳥關關
我來亦被浮名縛那得高僧一樣閒

禪寂院三首

簿書叢裏匆匆過小白長紅總自芳
獨到遠村渾不惡綠陰深處野花香

黃雲翻盡水平田時有農畊破曉煙
熱氣漸深牛易喘不須辛苦更加鞭

柳絲風颺馬蹄輕又作長亭十里行
爭似老僧無一事白雲歌枕聽鶯聲

田南寺舊作惠濟院

我本無心似白雲應緣未見宰官身
何時鐵笛千山首吹

重修上海縣志 卷十三
起梅花一點春

香山院

誰將萬斛旃檀子撒向千春古道場萬壑曉風吹不斷至
今猶自滿山香

閒題六首

王簿葉 杲

縣花初種已成林三尺兒童父母心堂上春風生惹足絃
歌一曲盡清音
尋常巷陌燕徘徊帶得春風去不回滄海連天雲浪濶寄
將消息上蓬萊

燕泥猶認舊柴扉簾影玲瓏度落暉細數歸期春早晚一
天風絮滿池飛

小園日日管絃聲花落花開若有情春色何時到儂屋愁
風愁雨過清明

桃李春風又一場蹴毬墻外落花香勸君莫道歸期近惟
有臨歸日最長

鞦韆墻外入斜暉過盡殘花客不知春色三分桃李去一
分猶在綠楊枝

遊多寶寺二首 張直

馬蹄緩踏過溪橋一入虛堂亂葉飄香冷博山僧未起不知重九是今朝

日上芭蕉露未晞此中形勝幾傳衣龍山酒客無尋處來看關河白鴈飛

真佑觀

偶來淨掃松根石欲賞春花醉雲液道人爲我燒檀留不覺山前日將夕

聖濟院

邑人况師點

迢迢幽徑入松關四面雲藍分外寒長嘯一聲山谷應洞

深驚起老龍蟠

重修聖濟院

邑尉陳有聲

蒙泉距宜春相去百餘里有僧來問余借問何姓氏乃余昔所敬見之蹙然喜叙余語未旣省記到山始屋廬今何如舊者存有幾一別十八年再見復在此僧云今勝前百蠹費更理昔茅塞蹊徑今道平如砥昔門不容蓋今可駟結軌昔堂地一均今去天尺咫輦飛兩廡列翼從萬瓦起古殿布丹雘雲龕照青紫臨流地寬曠一帶碧清泚竹院密回環松關秀兩峙峯巒對青眼泉石洗幽耳最上兩龍

湫層崖狀奇詭水旱凡禱祈響答應甚邇載念此招提明
禪祖基址傳燈焰不續老子心所耻莊嚴七寶界因果非
偶爾問余求篇題以爲歲月紀余老書最拙况在塵囂裏
欲到身未能欲輟請未已忽然若天會拈筆書滿紙大空
一浮漚無成亦無毀廣闊包八荒歛藏歸一指道足滿須
彌意合在稊米幻成如是觀佛亦不在是虛空白且光澄
波靜無滓四山時出雲一月照徹底天開道門庭不斷佛
種子心地日杲杲光照千萬祀

流化亭

惟聖觀化自源而流惟吏觀化自邑而州聖念於民吏職
其憂民壅於化則吏之尤我相此邦此邦之休昔民睽睽
胥戕以劉今民熙熙式歌且謳昔民啼饑穀粒不收今民
夷懌無佩犢與牛是曰化國莫知其由我儀圖之惟孝友
張侯侯有令德不競不絀澤濡而春令肅而秋靡夙夜不
勤惟民之誨孰寬而伸孰貧而調孰梗而頑去其賊蝨孰
巧而奸鍛其戈矛惟教化不行如疾弗瘳旣觀厥成泮渙
以遊經之營之爰始爰謀乃築斯亭于江之陬如跂斯翼
如方斯輶如虹維橋如鷁維舟如蓬萊瀛洲匪曰于觀臨

深極幽爾化於成其政優優如彼時雨雲之油油如彼源泉集於滄溝惟百世以畱邇彼源矣其流悠悠登彼亭矣其樂浮浮爾嚚爾頑化而善柔爾利爾銛化而鋤耨爾文而化爲蘇爲歐爾俗而化爲虞爲周大德小德厥義可求無不爾承厥德莫酬

資國院

邑人羅之紀

倦逢磐石手摩挲橫壓烏藤漫嘯歌煙崦坡陀青玉案寺山縹緲白雲窩紙窻竹屋小礚礚林影溪光相盪磨試共老僧參此意一聲喚醒讀書魔

顧王遺址

易時敏

遠樹芊芊暮靄平顧王曾此保孤城雷封已并川同井煙爨猶疑竈滿營當代貔貅誰削迹芳春杜宇自呼名黍離行邁應相似倍感詩家咏嘆情

陽樂故城

典午河山尚有名興從陽樂故城生夕陽門巷邛墟久春草池塘野水平廢堞棲烏啼夜月閑壕留雁叫寒更人民非處桃花在一度東風一度榮

元

九日陪全尚書登敖峰

邑人李路

落帽風高雁影斜
蕭蕭紅葉楚天涯
使君今日登臨處
秋滿江城菊未花

南平王鍾傳搏虎圖

吳萊淵穎

南平酒行山險巖
日暮猛虎相抱持
僕夫辟易不敢近
雙手現出十狡猊
口乾大喊眼光爍
腰無寸鐵起徒搏
沙飛石走風爪牙
草折林摧雪齧齧
人強獸勇盡力爭
形格勢禁過用兵
英雄變化動霹靂
富貴偪授收欖槍
老羆當路叱貉子
指揮六州稱刺史
摩挲虎鬚淮甸鬪
啖嚼虎胆闕城靡
少時本是貧少年
狂卒成功等醉癡
盜應有道幸竊柄
王竟不死還橫鋌
一時豪雄誰與畫
千古畫圖真足戒
投弓棄箭浪紛紛
馬上愧殺裴將軍

明

送上高丞督運

梁孟敬

貳令心同秋水清
明經元是魯諸生
三年久慕青雲器
十里相逢白玉京
舟觸蛟鼉勞遠運
野聞鴻雁計歸程
山翁候謁堪重卜
應見春花似錦城

九日登敖峯

江西提學副使敖山東昌

倚杖西風萬斛涼
客中沽酒對重陽
望迷紅樹心先醉
吟入黃花詩更香
萬壑秋聲鯨吼雨
一天寒氣鴈呼霜
憑高頓覺乾坤窄
自認腰間劍吐芒

登敖峯

編修駱文盛 武康

一春風雨無佳思
此日登臨興浩然
入耳泉聲幽澗底
薰人花氣石巖邊
雲連蒙嶺千村樹
草接元洲萬頃烟
回首不堪還北望
長安何處更懸懸

裏陂行

又名秋水篇

邑令黃權

邑西裏陂水浩浩
接山泉東南土磽瘠
歲賴注旱田敖邑
昔喪亂廢圯三十年
我來覽陳迹顧盼心
惘然經始夏初至
成於月再圓橫波千尺強
俯目十丈懸其中
闢斗門其旁樹堤堧
操土築累萬灌溉頃數千
鳧鷖忽散漫蛟龍每盤旋
畝澮旣盈溢轆轤聲連連
農事吾分內水利正所先
使民固逸道成功一由天
但願年穀熟旣好還旣堅
誰能採聲詩獻我秋水篇

九日登翠微閣

翠微高閣足登臨
九日憑欄萬古心
落帽風高頭似雪
看花人好色如金
笙飛白水黃姑晚
天倒蒼暝紫極深
採得

葦黃香滿袖漫將小酌對長吟

浮橋新成

江水橋成並百艘看如虹影蘸中流沙場鐵鎖沉珠網天
闕丹霞映舵樓龍卧碧波雷出地鶴鳴華表月當秋東門
萬里長安道穩步青雲達帝州

登蒙山二首

邑令陸時雍

筍輿攀石磴秋爽氣氤氳怪窟留餘潤高峯碍過雲鳥鳴
深樹杳人語半天聞欲洗襟懷俗呼泉茗碗薰
祈雨登巖拜携燈入洞幽石懸如點乳泉落似鳴球風雨

分門戶軒窗逼斗牛山靈元不味潤物幾經秋

公餘晚興

邑令張紳

衙鼓初收月滿天清時猶不廢蒲鞭不知慮子何如者獨
向空庭奏五絃

敖峯疊翠

邑人王綱

巍巍一柱倚晴空疊嶂層巒翠幾重鳥道崎嶇蒼蘚合仙
亭寂寞白雲封青連海岱三千里勢壓巫山十二峰載酒
有時臨絕頂乾坤一覽豁心胸

鏡山夜月

邑人况暹

重修 二高縣志 卷二
綠嶠煙消露碧空明蟾飛出廣寒宮光含貝闕金莖濕冷
溢瓊樓翠影重烏鵲高飛雲淡淡彩鸞低舞霧濛濛詩人
清夜貪歡賞倚遍闌干興未窮

山湖夕照

湖上青山枕碧潯亭亭落日掛疎林流光蘸水金波碎倒
影涵空翠轂深一逕牛羊和暝下幾行鴻鴈帶烟沉鑑湖
風景何殊致俛仰教人思不禁

鷓洲罷釣

萬頃煙波一葉舟半生踪跡伴沙鷗絲綸活計頻舒卷名
利無心任去留蓑影曬餘紅樹晚笛聲吹破碧江秋日沉
歸泊鷓洲下沽酒烹魚自唱酬

敖峯疊翠

邑人黃景

紫翠成堆擁縣衙昔人曾此養丹砂至今中夜瞻台斗耿
耿光芒燦五花

鏡山夜月

萬籟無聲玉宇寬冰輪飛碾上層巒水晶宮裏開三鏡一
味涼颼透骨寒

錦水歸帆

六幅蒲帆落日陽
船頭簫鼓雜鳴榔
長江巨浪都經過
縱酒高歌是樂鄉

同黃亞卿遊鏡山

涂淮

偶陪冠蓋覓殘春
傍水幽花一樹新
莫惜對花拚一醉
明春風雨欲愁人

遊雲峯寺

竹影搖簾金欲碎
茶煙浮戶翠將流
了然心事曹溪水
勾引坡翁到此遊

和方伯玉綱登水心亭

黃思庸

歸田心不慕浮名
乘興來登閣上亭
水抱錦江三面碧
山環敖岫幾峯青
九重天近堪邀月
百尺樓高可摘星
對酒當歌忘世累
衆人皆醉獨公醒

遊雲峰次韻

邑人李偕

一到山中寺
花殘春事非
陰雲連地暝
芳草接天圍
樹密鳥聲靜
僧閒人跡稀
坐忘酬說偈
月襯馬蹄歸

蒙山謠二首

吳學詩

碧削千峯雲莽莽
騎茅野人日十上
山中虎猿號且饑
采粟盈筐大於掌

東澗吹寒野水綠村春應水聲斷續歸來負米白於銀
向人間歌脫粟

蒙鑑秋行

逕幽水抱客子入鳥鳴木落秋山空斷巖雲去虎穴出幽
壑月歸蛟宅通古碑卧蘚字仍赤老鶴呼松巔欲紅獨憐
僻地傷搖落曲澗淒淒動夕風

送太醫冰壺返敖

薊門秋色易臨歧此日看君轉自悲三徑菊花他國夢雙
尊竹葉隔年期來窺日觀宜乘鶴歸卧雲根學種芝最是
文園勞著述好憑藥裹問相思

題倚敖山人撫松圖

赤松去後憶前身服液餐英未是真不向令威憐羽化摩
挲片片老龍鱗

盤谷嗣音爲李谷野鄉兄賦

黃 鑑

解組歸來意獨閒林泉勝友日追攀浮雲入戶隨舒卷明
月穿簾自往還居擬考槃真在澗樓題藏墨更宜山當年
盤谷稱高隱此際看君伯仲間

同節卿啟生茂才第鉢登先隴候利山用韻

衰疾龍鍾老欲扶十年漂泊負南圖虛名自笑兒文舉博
學誰看鬼董狐霧隱中山藏璧玉風流列坐美冰壺彭殤
今昔皆塵土何用魂招屈左徒

試後示桓會二孫

驟雨不終朝朱明自長晝晦朔有定期陰陽無錯繆朝華
飛不榮向夕無復秀鬱鬱歲寒松經霜愈暢茂大器晚乃
成欲速反不透良工獨苦心質樸不以售咨爾一二子功
力宜允懋不患圖不勇惟患風不厚瓦缶鳴幾何洪鐘任
所叩時哉各努力轉眼槐黃候

李梅麓兄令南皮別十餘年矣翰貺遠臨書筭致謝
梅開早歲樹葳蕤折得芳春贈所知才望一時爭北面文
章千載貴南皮雙鳧日近高天闕孤鶴雲深下澤陂無限
相思遼濶甚遙憑短筵寄新詩

山湖夕照

李堅

迴波風轉夕陽浮湖上歸心繫白鷗暝色微分南市酒秋
光斜入北城樓九華山映落霞谷三鏡雲藏新月鈎萬里
蒼茫何處鴈遠尋寒水到沙頭

多寶寺訪李莘野

江城作客嘆頻年又過東風燕子天春意不知誰是主老
懷空藉故人憐花邊醉眼非關酒竹下歸心欲問禪孤劍
未須彈夜月芒鞋便擬踏青蓮

九峯寺

平空烟雨九峯多容訪春光有幾何水竹森森芳草徑藤
花寂寂古松柯山樽戒犯遊人飲野鍛閑從麋鹿過一榻
寒鐘青嶂曉半天殘月照維摩
飲李少峯東門留餘別業
草堂初寄少城隈霜粉嵐光照酒杯碧雨點窻山閣曉白

鷗鷺客水村迴春床寶佩和雲臥晚砌瑤花傍月栽更約
清風通曲徑不辭二仲竹間來
青門只在敖山麓別有幽人學種瓜曲岸浮烟迷遠岫清
天高鳥泛晴霞池邊草合春初盡郭外鐘來日欲斜野興
醉歸和月卧江風夜聽欲棲鴉

江樓坐望

寒雨侵樓入夜勻一檠孤地獨傷神愁依古岸堆黃葉坐
對寒星點白蘋寡笑主人貧似客重來秋色老於人須知
世路原無物只合空空了此身

錦水歸帆

天際長風颯颯飛片雲何處載春歸蒼波喜見去時月錦
水重瞻此夜輝捷舵有神真得意扁舟作客總忘機白鷗
驚起江南去影散斜陽舊釣磯

蒙頂積雪

東蒙山在敖山東縹緲天花噴六龍旭日光浮瓊島動春
光寒透玉梅重騰空淡掛蒼崖月倒影寒流碧海虹下有
石門梁氏宅虛巖青鎖白芙蓉

斜口秋風

敖陽城下秋水明斜口渡頭秋風清溪日半殘蒙頂雪流
雲全效蜀江春庾家樓上月無恙陶令籬邊菊有情紅蓼
寒汀鷗逐客白蘋溪晚雁來賓

鏡山夜月

山橫三徑開三峽峽上月明山更幽出峽隨波翻蜀水下
山飛影傍鷗洲瓊瑤獨照燒丹谷歌舞同登賣酒樓萬古
青天看不盡西風吹送錦城秋

戊子歲行

黃啟美

元雲駕空白日沒千山萬山蛟龍出百日霖雨無休時高

原盡化黿鼉窟南風六月吹蕭蕭極目四野多寂寥去年
已見黃稻熟今年處處無青苗可憐日暮山谷裏飛蝗蔽
野塵埃起莫言田稻今無收江水亦枯草木死惟見長松
烟霧橫上有鷓鴣時自鳴人民多饑鳥亦餓况聞父老悲
泣聲出門問汝何事泣縣吏下村捉人急但言縣裏有催
科不論出家無顆粒此際干戈偃息時那得征輸無緩期
我生白頭未見此父子不免相流離長男昨往江南去聞
說江南亦荒歲但得生來歸故鄉縱有飢寒不足計此日
空遺黃髮老獨攜竹杖在中道我豈無事徒傷悲只愁骨
肉委荒草聞者何人不痛酸淒風直透飢骨寒莫道乃翁
事如此予生亦恐多摧殘

秋登玉皇閣

黃雲澗渺夜迢迢玉皇絳節居青霄背水憑虛起高閣臨
風倚霧飛危橋華表千秋歸白鶴人烟幾變遺城郭可憐
明月照人多夜深還傍空山落

同鄒東廓先生李春麓茂才集梧桐館分得石字

二妙相過日欲夕霞光照樹萬山赤漁人清唱集澄潭騷
客芳樽對盤石詩成四座清風生暝入滄洲暮煙碧月下

重修山陰縣志 卷十二
長呼歸去來飄然疑是雙飛鳥

江館偶憇

登高一嘯望日暮水東流暝色千山雨孤懷萬里秋風塵
悲老大天地寄蜉蝣安得乘槎去翛然汗漫遊

將往盱江曉發敖陽

風雨經旬暝微情暖尙遙霧浮獅石吼波觸象山搖夜漲
漁船集春寒鳥翼嬌平明促篙櫓趁水十分潮

九日同山人師太史叔飲江館二首

木落西山節序催白雲秋盡意徘徊豈知卧病三踰月寧

厭論文數舉杯江國寒先鴻雁至野亭愁對菊花開但知
樽酒酬佳節雅會何須百尺臺

江干酌酒共吾儕此際看花獨稱懷十里晴峯橫閣外一
聲寒鴈到天涯秋風灑颯愁堪賦老子婆娑興自佳對酒
高談情未已夜深涼露濕苔階

和鄒東廓先生九峯開講堂詩

廖暹

巍巍泰山高舉足亦可陟蒙茸與巉巖披躡在努力紛紛
勢利情燕手苦炎熱我欲超還舉苦志已不惑山徑剪荆
棘芝田種黍稷希顏卽顏徒乾乾貴不息

此詩從府志錄出鄒東廓先生名守益明代大儒微此詩幾不知末山之九峯有先生講席矣東廓原唱既不

鏡山夕照

郡守陶履中

斜暉已在鬱林東誰控義鞭綴碧空鏡影含煙籠遠樹山頭歸鶴睨長虹

寶蓋朝嵐

吳夢賜

甚露晞時曉霧輕千林入畫四川青僧廬只在多雲處隱

隱疎鐘出化城

山在縣南岩崖巖鬱有僧廬曰寶雲

末山鴈字

郡別駕楊登東

山來天末柱如擎題柱年年鴈有情何事排空頻作客每啣霜信報新晴

蒙嶺奇雲

熊茂松

芙蓉翠削亂山頭一片煙嵐鳥外浮幾度漫疑仙子旆洞簫吹徹錦城秋

鷓洲靈跡

張叔鑑

見說鷓洲侶鶴汀灘頭怪石表山靈攜壺合遣詩腸熱指

點浮槎望客星

洲在羅漢石之東地鈐云鷓鴣洲合狀元生

國朝

宿多寶寺

邑人黃 棡

古寺寄城角幽清迥不同竹搖僧影定池湛佛心通倚閣
雲封戶敲魚鶴颺風九芝何處是多寶自來空

重遊蒼岡法忍寺今改法雲

度磧穿崖不記年孤松閒抱石苔眠撥開古寺千溪月踏
破名山萬壑煙手握雙堅降猛虎心持半偈辟狐禪應知
慧遠僧何笑送客依依夕照前

末山石洞二首

邑人李凌漢

瑤草吟風俗念收看來誰識洞天幽潛溪屈曲通人棹怪
石玲瓏結海樓霧鎖千巖迷上下寒生六月異春秋問津
有意尋仙跡傍水窮源直到頭
洞口雲寒絕海鳥元崖石乳潤如酥蛟官巫禱潮生壁鶴
潛仙成藥滿爐草木長無忘甲子山川别有侶瀛壺武夷
勝事今重見好倩荆關寫畫圖

九峯寺十景十首存六

虎頭鐵甲倦西征斗血雄心一鉢傾帝室幾憐遷海市梵

重修上高縣志 卷三
宮百劫鎖雲城花飛講席非今跡磬響空山是古聲莫謂
沙門無色相殘碑留得未淹名鍾傳古跡

水蓄重巖影自空白雲穿破碧玲瓏數回側路通蛟室一
隙幽光漏紫宮翡翠寒凝愁向日銀花浪點怯翻風從流
出海南天外爲說慈悲此處同觀音水洞

古刹橫開作海梁楓林細織隱山光石泉浪吐迷清濁巖
樹花燃失紫黃蔭在魚聲留佛座巢來鳥語入僧房桃源
路曲從今信悞卻遊人知幾行干楓夾路

勢逼南天擁疊巒斜陽低逗石林寒清酣鶴夢松枝穩細
聒經聲竹院殘水濺飛濤雲外凍山分秀色霧中餐尋真
野客長疑雨盡日禪關俗不干山門半日

野狐悟卻了前因莫道空山迹已陳石壓曇根思淨土藤
封菩樹憶真人雲中竹逕來樵牧澗外松聲冷俗塵午夜
金雞啼不住元津誰識度三身古尼道場

錫掛山南衍苾芻張弓射漢人元圖六根塵路空諸有一
指禪門悟了無蓮社雲寒人化鶴松楸露冷塚眠狐浮沈
一任乾坤管那許傍人攫口珠七祖遺塔

蒙山巖洞勝境

邑人李張元

異人傳稗史奇境尤嶙峋厥勝維巖洞岩巖高入旻幽靄
還曲折登眺瞽遙榛曠然開疇畝腴液可畊困聞古高蹈
者忘年茲隱淪鷓鴣雲外唱桑柘雨中藁桃綺絳而碧草
瑤芳以新松棋敲戶寂篁磬散庭均孤木巢雙鶴清池沫
衆鱗岫飛鸞共舞罔伏象交躡日月出兩腋煙雲晦朔旬
丹霞封象罔紫氣靄昏晨杳澗別天地崔嵬逼星辰石猿
報更漏崖鳥喚晴春洞天皆有號福地總無塵

重修文昌閣落成

用王勃滕王閣韻有引

曹焜

文昌閣頽圯已久及門趙子兄弟謀新之而力不

能逮辛亥秋署任陳叅軍倡議修葺諸子得與贊
勦工甫畢率忘其固陋各綴句以紀事

帝座葺成蘋在渚羣真會玉畱僊舞窗啣紫壁鳳凌雲簷
蘸錦江龍蟄雨曉煙籠日思悠悠鏡徹屏環秋復秋文物
從茲還振古快瞻臺閣擁風流

邑人趙應枚

錦里江邊花滿臺城垣一閣望中開天孫壇在風能語帝
子樓空月自來驚濺不隨青雀下明沙故亂白鷗回敖南
風物仍千古趁得清時後賦才

巖宮老桂

邑令易道沛

古桂蔥蘢獨拂霄枝橫顧我若相招晴浮金碧光能動風
散蛇龍影欲搖幸老巍宮憑徃哲尙留殘蘚識前朝起衰
汲汲而今事自護名材斥木妖

石龍古洞

倒落雙巖啟石扉何人化杖作龍飛荒泉落日競霞蔚寒
谷羈雲駐雨霏磨去苔紋看壁字分來蒼翠點人衣世情
已遠都乘輿路入青蘿不肯歸

又

潘杰

洞口誰將杖倚扉高人擲去作龍飛雲籠樹杪山長翠瀑
瀉巖間露欲霏石壁尙留鴻雪爪松枝常掛鶴毛衣俗人
不與茲遊者空教衡陽使節歸

又一首

王符生

五丁開混沌追琢幾何年怪石攢花蕊懸崖別洞天罅痕
星月漏蹲伏狡狴眠夏月寧愁熱高寒逼枕前
幻象憑誰塑鏤心巧繪空玲瓏疑鬼斧鑿刻肖神工煉若
經媧氏奇堪拜米翁更尋罅漏處一線與天通

登文昌閣

游家禧

重修高縣志 卷三
朱欄傑出邁尋常帝閣巍峩倚上方盛德當年推孝友隆
名此日仰文昌座瞻聖殿芹香近簾捲春風浪影茫若使
校書燃太乙青藜光映水中央

文昌閣晚眺

趙平原

敖峰遙對文昌閣閣影平臨水倒吞蜃氣不來故清淺山
光欲蕩自黃昏高城急響誰家杵極浦空烟何處村天上
孤涼堪此夕悠悠星月半舒輪

斜口秋風

黃佐

羣飛木葉下秋聲攬勝溪頭獨自行雲外尋香雙袖滿日
邊移棹半帆輕庾樓月過全無恙陶徑花開倍有情風景
不常閒是主買魚沽酒興縱橫

壬子秋董中丞奉

鄭之璧

踏荒敖邑紀事
荒涼四野嘆蒿蓬蒙袂愁情觸目中茆屋三間憐夜雨蜺
旌一道拂春風鄭圖繪就形難侶賈策編成獻有功一切
驚鴻應復集還看飛鳥籲

天

聰

劉應騰

朝拜封章達未央久邀

綸綍念奇荒寒帷總爲蒼生病攬轡還因

帝簡忙慘淡浮烟棲茂草凋零古木蔽甘棠

九天萬里休疑遠奏得

恩蠲萬古長

上邑侯莫公之翰有序

黃于象

汰浮蠲費併里爲吾敖急著然蠲費邑宰可自爲
汰浮併里非請命不能也大父鼎燹明季上疏得
旨議行以國變遂止我

大清鼎定屢訴題請順治壬辰

世祖章皇帝召覲臣諮民疾苦江臣以筠郡浮糧對隨蒙汰

免其併里竟無言者莫侯涖任遂請舉行焉今而
後敖其永甦乎豈惟生民佩德先大父亦感於九
京矣于象不能詩敢謳下里一章志喜志頌

敖邑山之隈三分筠郡屬土產畧無他所資惟五穀實糧
二萬餘倍加呈數目雖磔黎老人版定難再瀆山城如斗
大人烟未糝簇年年里役臨百有七十足官取羨餘錢吏
填溝壑慾公私有漏卮種種難更僕民如鳥獸散存者亦

重修 清縣志 卷三 三五
鳩鵲田荒租不前空自受敲扑貢士得吾祖嘗與計吏逐
扼腕此顛連骨死列奏牘上心亦惻爾御批部已覆勅下
省諸憲奉行良亦篤國運值變更遂將高閣束

興朝鼎既定祖心愈以速兩臺暨監司具訴中書禿世乏
有心人誰爲百姓哭

聖

主念民艱疾苦謠謠俗覲臣何以對惟記浮糧酷奏記

領之汰浮如轉轂高上不能同存踰十之六減雖不及數
感恩固已渥猶有柳州蛇兼非慈湖木役重而差繁不德
亦其鹿何幸我侯臨精神具滿腹才是千人英星爲一路

福首罷書與快免荒與徵熟官不用火耗吏不到村谷次
第堙旁竇惟正供錢粟民自有性情土愛心惟淑擔負及
牛車稍後以爲辱蒲鞭盡日懸囹圄空草綠奉命當清審
多寡如照燭蘇民維併里詳允不須復虛公叅輿論全不
自剛懷戶丁三千餘併視民所睦差役固衆興免役亦非
獨萬世瞻此舉生死而骨肉祖生未遂心九原亦駭矚比
戶戴侯恩庚桑並尸祝

山湖夕照

一泓清徹晚風和玉彩珠光共盪摩弱水三山何處是只

今仙景不須多

書蠶桑必讀後

郡守趙世錫

三十年來薄宦時多慚無補

聖
明知筠陽自昔稱文獻蘇軾於今得量移土瘠尚憐崇節
儉民貧尤慮困公私阜財百計憑何術惟有蠶桑事最宜
西陵教自浙西傳龍種移來路二千紅襯杏花經一浴白
鋪柳絮報三眠萬家煮繭雲連屋五夜繅絲月滿天邨落
如能知徧育敢辭夙駕稅桑田

將往廣利寺下帷不果嵩上人以詩見懷次韻奉答

二首

潘述祖

淨土招尋遠名山寤寐深晨鐘清夜氣虛室靜分陰得傍
跏趺座還聞梵唄音向來何草草攜手一登臨

避俗情方切懷歸意忽深往來非竹徑醉卧亦花陰痼我
烟霞疾怡人山水音終期蓮社席虛左許來臨

初至廣利寺下帷柬嵩山人

陰陰草樹暮春天一榻移來丈室邊盡挹好風陪鳥坐夜
聽時雨伴燈眠語言根究終陳迹文字尋求只舊編欲鏃
箭鋒高射策莫教是病或非禪

重修... 卷十一
三十一
救陽店

石氣流青堆上堆一鞭遙趁夜雲開山靈不管人行倦將
次敖陽送雨來

庚寅秋之任上高入瑞州境

邑令王 樾

聲教於今五十年含哺處處樂

堯天比鄰雞酒聯秋社逐隊牛羊下晚田大地孰能推製錦

拊循常是念烹鮮承

恩此日臨江渚順棹風帆過柳邊

東園陪宴呈趙太守四首

公餘常在鳳山頭萬井桑麻一望收課雨問晴勞指顧烹
葵剥棗意綢繆亭餘齒菹將辭夏座有歐陽欲感秋隙地
不妨勤穡事籬邊蒔菜綠盈疇

跨鳳仙踪去復留至今靈草遍丹邱何人作賦羣公席有
客吹笙江水樓洞做煙雲餘采色峯迴碧落近高秋經營
藉得神工手瑞氣常凝第一洲

新栽楊柳看鶯啼角射投壺興不齊隔道雞聲官解晚倚
窻人語小橋西春來桃李盈溪岸月上梅花入畫題自是
風流歸太守眼前活潑任高低

客散東園醉未醒分明圖畫玉山行探奇忽遇朝陽處考
古還疑稅酒名暖氣祥雲生鳳穴同蒼煙綠靄共筠城題
詩不盡追陪樂昂首晴空萬里青

別駕龔足子先生其裕崇祀名宦紀事二一首

攝篆敖陽歲幾更每聞父老說威名揮戈直落蓬民膽料
敵能窺粵寇情耿賊之變捍患禦災功在祀家尸尸祝衆成

城而今牧圉伊誰力一望春田古意生

半刺風流鳳嶺花當年膏雨潤桑麻仁恩到處西江水清
節明於碧落霞判筆如椽留錦字代庖隨手絕紛拿從茲

俎豆千秋享豈獨榮名在服車

庚寅冬郊行卽事

參差敖嶺外煙火石橋西蕎穗依籬積松毛架屋齊牧人
歸晚犢守柝靜更雞問夜求生聚何時慶福禔

宿麻塘

催殘梅雨正春初望望山頭積雪餘官道行來人戶少村
煙起處夕陽疎民風近古何妨儉野館無隣幸有書安得
荒蕪全墾闢絃歌聲裏接蓬廬

喜成裏陂二首

故道湮何代安瀾喜自今煙花分六月膏雨共千林蓄洩
功多賴倉箱惠已深我來占樂歲攬轡偶成吟

溝洫關農政鳩工趣水涯辛勤邨婦子濃淡野煙霞傍午
鋤耰急臨風黍麥嘉睠言修廢事禱祝澤桑麻

南湖塘集唐

郡教授段廷遴

四面雲山起李白連圻觸暗泉張九齡水流常激石杜審言
波遠漸澄鮮張聿澹蕩侵水谷張彙膏腴遍大田羅隱若承
恩渥厚郭永喜氣滿晴天闕名

鷓鴣洞集唐

鷓鴣飛已盡羅隱遺跡在名山杜審言地僻泉偏冷裴杞
岳虛勢已攀劉脊虛觀瀾源不竭李白移石蘚仍斑范傳正
感召風雷處浮雲空自閒白居易

三峯尖集唐

瞻彼岡陵峻張嘉貞三山矗秀峯羅隱草依仙子宅陳潤
靈有羽人踪劉得仁頓覺雲程近岑參形疑翠蓋重陸贄
塵埃終不及劉得仁何幸此相逢闕名

報馬山集唐

有石形如馬魏志標奇志豈同周存昂頭常向日韋述蹠

足且嘶風羅隱未獲千金價萬方誰誇百戰功許渾幸逢
時偃武白行簡何用遠從戎張隨

流化亭

邑人黃光岳

大化原無迹悠然見一亭政隨風並永人與物俱靈綺閣
歸飄渺雕楹入杳冥敖峯名未改蜀水德維馨逝者無今
古巍乎煥日星源流思往澤譽望緬先型不覩桃源路詎
因漁父經流花曾有誤久汗舊丹青

蜀江流化亭

盧從志

蜀江之水清且漣芳亭古道濱江邊臨流觀化先賢意創
自有宋嘉定年址依當時小道院化機一片空言詮未幾
徙於廳事後不欺之額更高懸流化之名遂不著詩筒酒
盞徒周旋地則屢更名屢易錦江依舊流涓涓逝者如斯
默有悟彌綸大化隨推遷或躍或飛皆妙理活潑潑地徵
魚鳶城上棲烏啼夜月樓頭山色含晴烟古往今來本如
此白鷗飛處元乎元

登壇石嶺

仙壇舊石踞茲山流水猶存綠一灣雞犬遺來今日在魚
龍化去幾時還萬家煙火疏籬下四野桑麻古木間爲問

土人踪跡杳空留紫氣望函關
壇荒石古號爲山幾度行來幾度灣
時向峰頭占礎潤漫從竈裏想丹還
漁翁委曲千巖下賢者棲遲十畝間
名利勞勞何日靜愁聽水鳥叫關關

雍正七年

特旨詔各學政考送博學生員仲冬赴試省垣恭紀

特典掄材格異常濫膺召試有鄰堂
試於院署 德有隣堂揮毫但覺神

相助市駿知誰骨是良
賦題限求良 市駿骨爲韻收拾溝中皆斷木摩

拳樹下盡甘棠分題髦士吟

龍篆以御製入穀英雄若鴈行繼起賢書寧附尾追蹤合

甲有餘芳抒將幼學爲時用到處應教草不黃

萬壽佳辰嶽降崧

綸音先自邸抄通學使於萬壽日接閱邸抄新題欲得三餘學枯穎慙

無一漑功啖餅分甘逢愛日試日冬晴各給餅餌啣盃助興醉春風

試竣小飲文章知遇千秋事自有鍼磁在個中

紀王震來明府

名世非徒爾昌期不偶然一行聊展驥百里暫烹鮮造士友三益親民獄片言襄陂興水利虎檻購公田蠶局叅差

布鐘樓次第編既還坊表正旋補序庠偏美富仍金碧樓
臺立漪漣宮墻有輔翼科第擬聯翩洲畔培桃李庭堦植
蕙荃先生勤獨斷小子效餘涓冬日留棠樹春風拂講筵
鑄金銘盛德生祀繼先賢

芙蓉峯

嚴開禧

莫道琳宮寂寞四面山映疎窗九朶芙蓉秀出凝眸日日

秋江

敖陽書院漫興

舉人饒映奎

廣昌人

紅墻粉蝶繞前楹大野蒼茫眼倍明三鏡齊開春月滿兩

橋同渡曉霜清花移別鳴皆新色鶯到垂楊似舊聲試看
踏青青未了九郎祠下共行行

邨莊鱗次接長堤古樸風傳合品題種藥都從仙洞口飼
蠶多在柘湖西山切夕照隨歸犢茆屋晨煙引祝雞也到
峩眉峯頂去香燒十願賽菩提

月沙洲渚草芊芊暮雨嘗驚鷺一拳魚舍參差依錦水酒
家清淺近珠泉醪醱香滿過春社躑躅紅深識禁烟記得
東郊詩句好柳垂山闕漫揮鞭

我來覽勝暮煙橫往事追尋倍有情銅彈雨拋飛將壘鐵

重修高縣志 卷三
四三
衣苔卧顧王城花開曲徑人何在月照空門畫不成更上
清溪溪上望酒監猶署宋時名

曲徑寒空月漸升幾番憑弔意難勝露溥沙鶴詩猶在風
遞烟蘿去未曾兩岸有無孤艇火一林明滅半籬燈鐘聲
敲出前村寺偈語還應叩老僧

裏陂行

黃克顯

爲愛混混泉尋行依阡陌陰陰夏木濃處處芳菲積未老
投閒者何事拘形役四顧東西步悠然素心懌順灌畝三
千逆灌畝八百回憶頽圯年由來自古惜不逢賢令尹奈

此磽與瘠樂只王君子爲民細籌畫陂成利溥哉佳咏敲
金石堅堤障狂瀾潭水深千尺萬壑爭趨赴盈盈添鮮碧
老農傳德政江山留勝迹茅簷登熙皞白鷗亦閒適村僻
人少至山店雲迎客風光來冉冉湛滋嘉禾液牧童牛羊
下烟霞起將夕

敖陽竹枝詞

邑令沈可培

凌雲鳧鳥辭金闕繞縣花光到錦江政簡訟閒還問俗楚
歌水調聽新腔

久識刁圭可駐顏劍池丹竈碧雲間落花滿徑無人掃真

訣何由問九還
敖嶺在縣北三里
放真人得道處
上有磨劍石
煉丹竈
桑棗園
蕪織作虛前
朝遺跡近
何如關心水部
勤民事傳
得蠶桑必讀書
洪武間詔民立桑塼園在上高者四十八處園以蕪水部黃公敬亭宰岳池時曾輯蠶桑成法一書訓民民以殷富癸巳告歸得前郡守趙公世錫蠶桑必讀一冊重刊以廣之

石虬古渡
李山人筆墨流傳
漸失真
惟有痴翁痴似昔
殘山賸水等球珍
壬辰余在都城得李雙江山水小幅
筆墨疏秀心繙愛焉
近閱縣誌乃知雙江上高領隱也
平生遇合自有定數
誌以自慶

袁州更漏
瑞州春物候能知
氣候新一樣
茆崗龍洞水早

潮晚汐更含神

袁州鼓樓有古銅壺瑞州府碧落山有春洞並見府誌

上高茆崗龍洞古志云有泉流出早晚黃濁與潮相應

婉轉金沙湧
大泉夕陽流
影自澄鮮
濫觴莫笑涓涓水
畱潤黃邨萬頃田
大泉在普潤泉北誌云源小可灌田甲午春余自潮抗歸經其地停驂洗耳澄清澈底中有三眼平地湧出有五色沙隨泉上下土人傳劉青田引兵過此千人飲之不竭

踏草行行錦水湄
象山高並末山奇
天空雲盡斜陽外
好是文君兩撇眉

一束旃檀禮佛虔
相逢聖濟叩禪關
願郎莫似無根石
與

重修上高縣志卷之三
五
妾常依夜合山聖濟寺在蒙山麓唐道明禪師開山上高九寺之一無
根石在蒙山上四面如空有夜合山兩山壁立嶽空玲瓏傳聞夜合晝開

雨後紅桃爛漫開遊人疑自武陵來元龍遺墨今何在片
片飛花點綠苔大王嶺南有桃源山巋然如屏春月萬花爛漫幸元龍
號曰人世仙境大書小桃源三字于石今俱蕪沒

紐源烟柳舞晴絲草軟花香日正遲忽聽鯨音雲外轉滄
岡僧飯午鐘時滄岡法忍寺在蟠村宋淳化三年建寺有語錄併郁堂
詩存焉

三獅吞吐浪花開馬象休誇灑瀨堆漫放月沙洲畔棹昨

春春漲響奔雷三獅石在縣東十里許有上獅中獅下獅爲三獅潭春

江暴漲時極險

東陂風信到梅條影落蛟塘凍欲消一夜春泉流不盡看
飛香雪過蓮橋天然廡卽東陂前有蛟塘水源澄泓一方水利也蛟塘
上爲蛟塘壁又上爲鐘鼓埭近分宜界繞庵梅竹交加塘水合東陂陰陂水
同至蓮橋義江

小溪一派瀉煙鬟邱浪仇湖響玦環竹樹千重雲萬疊路
深何處問香山永平離縣百餘里境最幽絕有小溪水出浮樓嶺帶源
水出菊坑流爲仇湖邱郎陂古名邱浪卽永平名泉也香山寺在浮樓嶺東

麓唐大順僧大機開山

祇園紺碧映蒙堂舊宅南平異姓王愛煞香爐峯下榻離
離猶帶洞庭香末山九峯寺唐南平王鍾傳故宅傳領江西日客有以
射覆法求見傳以懸日包橘置袖中令射客云大歲當頭坐諸神不敢當其
中有一物猶帶洞庭香蒙堂元延祐道全禪師建

畫戟雕戈擁義師一朝鼙鼓靖仙芝僧雛指點觀遺像却
笑當年搏虎時傳少好射獵嘗搏虎既貴悔之乃畫圖戒子孫今九峯
寺有傳遺像

仙姑洲下柳飛綿罨畫溪山鎖綠烟隔岸牧歸牛背笛夕

陽初下鳳山巔

仙洲牧唱鳳山晚照乃八景之二

雙橋飛跨飲江虹四面朱欄映碧空却笑黃姑星渚鵲一

年頭得幾回童

錦江中置躍錦青陽二橋北城南市行者稱便

水圍界埠石嵯峨樓閣家家俯逝波最是趁墟人散後一
簾新鏡漾青螺

傳橋西上路參覃百尺層崖萬丈潭底事行人還駐馬白

雲堆裏九龍庵界埠山路奇險上逼懸崖下臨無地所謂線路直與猿

猿爭者也癸巳冬余率屬督夫剗平之向之若懸溜者今轉爲康莊矣九龍

庵在界埠橋南行旅憩息之地

山近浮樓足水泉避喧每愛小亭偏夜涼風定香何遠開
遍林塘並蒂蓮浮樓嶺秀拔如樓浮水面小溪諸水出焉林塘方廣八
十四畝宋紹興間產雙頭蓮雷孚有詩紀之

煙鎖楊林曉未開紮山看火去還來劇憐茲土蠶桑少枉
費珍禽苦口催春暮有鳥鳴云紮山看火蓋催蠶婦謹蠶事也邑此鳥
甚夥而民不蠶桑謂鳥言栽禾馭工值三月早禾將蒔當換工插秧耳楊林
橋在縣南七里楊林寺前

石龍巖巖起層樓長夏蕭蕭颯似秋鼓吹若教添兩部便
宜身到廣寒遊石龍洞在縣南五里虛敞如屋上起層樓

不雨兼旬便鬱蒸上游形勢若峻嶒奇文能使甘霖應更
有何人似伯興邑在高安上游地形高上故名夏月十日不雨便憂旱

嘉靖時邑大旱翰林吳公伯興作祈雨文禱於城隍三日甘霖如注

相見灣頭雲樹連不論旱潦自豐年勸郎莫愛金銀嶺多
買湖源數頃田相見灣在湖源邑恒苦旱惟湖源水自田底溢出沮洳
不竭旱亦倍收金銀嶺在縣西南傳有金銀出此故名

章江秋老淨寒烟淡入秋容劇可憐何處嫣紅偏似錦芙
蓉花放密村前義塘利塘俱在密村鄉人環植芙蓉深秋花放如霞

遊釣人猶說晉賢雪泥鴻爪自翩翩重陽誰載松湖酒漉

向清溪醉石邊靖節幼住宜豐後遷柴桑其墓在義鈞上鄉舊隸上高
大平興國三年始割義鈞鄉入新昌醉石在邑北境清水橋下

凌江櫂比小船排載紙來從天寶街土物休嗤麤俗甚曾
隨京使過臨淮

泉到斜陂萬斛重熊家坊口響琤琮白沙翠竹橫橋畔野
碓無人水自舂末山泉出均陂合蒙山諸水灌至斜陂利甚溥

遠屋清溪一道斜數聲雞犬認梅沙秋來雪散驚何早處
處山田蕎麥花

春雨如膏遍草萊勸農時厯使君回青旂隊隊傳呼近竹

馬歡迎五馬來北城有五馬坊

蒙山出寶語全虛十七銀坑苦役胥欲識前朝言利始遺
民猶指慶元初諺云末山出草蒙山出寶宋慶元六年蒙山出銀鉛卽

其地置場元至元十三年置提舉司大德時礦盡虧課至正十年革

麴塵風起水生鱗樟樹陰森萬古春波底潛蛟寒未起一

潭新漲綠憐人樟樹潭在金石書院東下有潛龍

炊烟百縷颺麻塘山市漁樵閑夕陽久識太平真有象西
郊草沒贍軍倉

初秋宿蒸光寺

往來石獅嶺古寺梵鐘鳴暑退涼猶嫩心安境愈清入簾
新月影接竹細泉聲欲覓慈光洞雲深空復情

顧戀石晚眺

攷志有顧城石無顧戀石疑誤

古渡晴光散積氛危磯攀陟日初曛錦江水接龍江水蒙
岫雲連末岫雲沙鳥風帆煙際沒酒旂山郭望中分蒼然
暝色催歸騎六口樵歌隔岸聞

重五曉從末山回縣

不辨末山影空濛曉色昏濕雲翳白土濃雨灑黃村處處
禾苗秀村村笑語溫到江觀競渡江水抱城根

勸農歌選六

邑令劉丙

余於丙寅秋蒞任望蔡垂三載矣每欲有以風勵
之而未能頃行鄉課農遂作是歌

春來新雨足田疇好把犁鋤上陌頭勸爾及時須努力一
年衣食此中求

纔看布穀又分秧盡道農家日日忙我亦未遑安寢食輕
輿行遍水田傍

堂前父母已衰年頽白休教尙力田趁爾能耕須孝養他
時好望子孫賢

牧牛剗草到山間疆畫分明莫逞蠻汝肯容人侵界否如
何貪佔別家山

田間溝水要流長不用關闌貯一方若使大家圖便已上
流先斷汝安望

同居隣里要和親寒夜傳梆比戶輪果使同心勤守望月
明村犬吠何人

劉明府甘應頌

邑人晏善澄

歲在丙火占云暘若地臘將屆天絮不作虹渴其喉日赤
其脚仲夏之初厥燄愈爍吾教民命稼穡是託豈堪良畝

石田同涸萬民殷憂奚術以却猗歎我公父母是同憂民
之憂匪面而衷曰民何罪寧丁我躬往者縣井有怪匪龍
狂泉沸出滾滾無窮天助其虐連雨濛濛豈徒沒板勢欲
滔空公卸衣冠擲付奔洪精誠既竭神明斯通須臾咸慶
雨霽波融亦越今夏大旱熊熊公殫百計默禱齋宮蒙山
之陽泉源湯湯有洞不測靈怪斯藏俾驚而怒興雨洋洋
傳聞有是孰敢試嘗惟公奮往靡憚靡惟羽流前導童叟
隨行靈旣怒止公用色喜褰裳而回滂沱無已龍潤之祥
莫不舉趾匪公瀆靈爲民則爾民之樂矣苗之碩矣其收

且倍意所弗揣有叟嬉嬉有童嶷嶷曰匪公賜我遑有之
養由以裕教由以興大創試舍重修邑乘歲當大比多士
聯登三文一武作養蒸蒸兼有耆髦三人同稱國瑞可羨
教化亦徵惟公善政歌頌不勝聊作俚語畧記吾魯

觀蒙山監溪題名石壁

勝國臣僚姓字標摩崖百仞聳岩堯峯巒向背分三郡礦
務紛紜慨兩朝正德遺踪不可問石門靈氣竟難招遊人
唯解憐香瀑長送飛花過小橋

葫蘆洞弔古

幼讀名賢傳茲邗信所懷撫碑三嘆息探洞一徘徊浪說
銀河棹疎防紫玉杯羅浮題兩字生面喜重開葫蘆石洞之
可傳者以上下洞之石奇峭勢欲以風雨爲離合耳其誠意伯之曾否寓此
不可知者也己巳邑宰劉克齋先生於洞口題羅浮石三字一空前解矣

大觀塔

邑人熊炳

星精擲下凌雲筆卓我神臯何突兀層層蓋轉霞欲飛四
面玲瓏寶光鬱壯哉觀者如堵墻北斗攀援竟天日當時
決背兼盪胸梵影連城亘山出鷓鴣洲上靈氣旋錦水洄
環向沮漆三獅倒吸銀浪翻鯉躍龍門珠貫乙范宰培植

重刊高縣志卷之三
五二
方卓如諸君曩屬功乃畢歸然一邑成巨觀人文振起將
勃勃會應占作鴻鴈題吾輩摛文增黼黻

九日約方大式亭登大觀塔小飲近聖書院卽席口

占二律

邑令談有本

大觀塔峙錦江流佳節重登憶舊遊問菊已荒陶令宅題
糕先到狀元洲萬家煙火亭臺近百里桑麻雨露秋餘興
未闌催返棹相將更上最高樓

凭欄遙望彩雲邊一憶家園一黯然子舍難希今日養官
聲應讓後來賢有風落帽人皆醉無雨催詩句費研卜夜

何妨重洗盞霜華月影碧涼天

宿徐家渡曉至洋田二首

邑令方楷

浪浪一雨壯江流入夜江聲破夢幽紅白花明村店曉彎
環路繞水田修秧鉞未出猶餘閨麥穗新抽欲報秋記得
年前此嘑渡依然陳跡若爲留

路轉層巖石幾盤鳥啼幽谷樹千團行春客子衣宜袷隔
日清明食已寒蒙末峯高雲似墨彭廬溪近水鳴湍又來
八境洋田任課讀催畊意未闌

余至洋田必任羅氏新祠見屋宇之輪奐譜系之繇

衍祀事孔明少長有序心甚愛之今復與諸生還往
杯酒論文亦一春之樂事也偶成長歌以補祠壁

此祠成自癸亥年我來乃自辛未歲夢落空堂經幾秋却
與諸生又連袂爲言君家治叟翁草堂舊築於其中黃侍
郎題亦政堂想見當年孝友風孝友家風傳嗣續斯堂卽
是棲神屋中間傾圮旋復新配享依然列昭穆昭穆雍雍
潔蘋蘩蒸嘗濟濟來曾孫支分已過十八世戶口何止三
千人從來明德必有報亦在後裔能講孝此中要具敬宗
心不僅巍巍祠宇耀紫荊花蘂已含珠清明值閏春有餘

幽牕再聽三更雨諸生都富五車書奇文傑句交酬唱美
酒佳殺互遞餉贏得春來好事多居士端宜清目放醉語
丁寧後起賢堂構相承要仔肩莫笑狂歌污白壁此心孝
弟生油然

甲戌閏二月過洋田承諸子邀飲向若山房醉歌題
壁

東風桃李花全開春分欲過清明來貧氓尙負天家賦
藤輿再到洋田催洋田勝境祇如昨天人安耕讀風淳哉敢
言行部效何武諸生自樂相追陪諸子多余所取士山房咫尺可就

飲誰題向若心徘徊爲言問學直如海求津浩淼寬無涯
登堂前望何所有但見圍繞煙霞堆書聲比舍集童冠生
機緣砌繇莎苔綠楊瀟灑拂袍袖紅英狼藉飄塵埃春風
沂水具異撰左圖右史傾金罍諸生各有凌雲氣行待玉
筍驚春雷人生富貴豈糞土此中拾取多瓊瑰譬如豫章
養合抱其端要是毫末材嗟予失學悔已晚勸子勤誦力
可培狂言醉語且莫訝試諮君家考與鮪况復名儒舊講
解謂辛筠谷給諫黃玉堂孝廉願體此意休疑猜學成好備
聖朝選簪筆侍從皆鄒枚勿驚汪洋發慨歎作詩聊爾鞭羣才

雜記志

容齋三筆長源路史傳信傳疑或源或委跡其體要
皆關名理用企前徽竊依外紀匪示新奇傾聽靡靡
論世知人將求於是干寶搜神東坡說鬼旣遠民癸
效尤斯鄙作雜記志

唐

南平王鍾傳先世有名成者仕晉爲郎坐事變姓名卜居
望蔡之規橋大蓄牛馬二十三世至父紀以商武昌致
富年四十無子與妻易氏虔禱於末山夜夢賜玫玉與

易氏吞之遂生傳武昌友人蘇元清賀以詩云費用黃金謁末山虔心叩破五雲關神天早賜蒼玫玉產出英雄詎等閒鍾氏族譜

天祐二年傳見朱溫篡唐之勢已成恥爲之下作罷唐詩以見志云社稷興亡反掌間罷唐歸隱罷唐山見時只道爲官好貴後方知搏虎難風景不殊雙目眩江河有異一心寒天荒地老英雄盡收拾兵書再不看傳夫人亦能詩有諫搏虎詩云眼底英雄不似伊虎牙藐作等閒持新詩寫向西臺上勸爾從今莫強爲全前

安陸郡馬處士忘其名少游湖湘又客於鍾陵十數年嘗說江西鍾傳本豫章人少倜儻以勇毅聞於鄉里不事農桑恒好射獵熊鹿野獸遇之者無不獲焉一日有親屬酒食相會傳素能飲是日大醉唯一小僕侍行比暮方歸去家方二三里谿谷深邃有虎黑文青質額毛圓白耽耽然自中林而出百步之外顧望前來僕夫見而股慄謂傳曰速登大樹以逃生命傳時酒力方盛胆氣彌麓卽以僕人所持白梃山立而拒之虎卽直搏傳傳亦左右跳躍揮杖擊之虎又俯伏傳亦蹲踞須臾復相

拏攫如此者數回虎之前足搭傳之肩傳卽以兩手抱虎之項良久虎之勢無以用其爪牙傳之勇無以展其心計兩相擊據而僕夫但號呼於其側其家人怪日晏未歸仗劍迎之及見相捍卽揮刃前斫虎腰旣折傳乃免焉數歲後江南擾亂羣盜四集傳以鬪虎之名爲衆所服推爲酋長竟登戎帥之任節制鍾陵鎮撫一方澄清六郡唐僖昭之代名振江西官至中書令

耳目記

按稽神錄別記傳遣道士沈太虛禱於廬山九天使者廟寧見張懷武一事以與傳不甚關涉故不錄

自廣明庚子之亂甲辰天下大荒車駕再幸岐梁道殫相望郡國率不以貢士爲意江西鍾傳令公起於義聚奄有疆土充庭述職爲諸侯表式乃孳孳以薦賢爲急務雖州里白丁片言隻字求貢於有司者莫不盡禮接之至於考試之辰設會供帳甲於治平行鄉飲之禮常率賓佐臨視惓惓然有喜色復大會以餞之筐篚之外率皆資以桂玉解元三十萬解副二十萬海送皆不減十萬垂三十載此志未嘗稍怠時舉子有以公卿關節不遠千里求首薦者歲嘗不下數十輩

唐摭言

鍾傳領江西日客有以覆射之法求見傳以歷日包橘置袖中令射客云太歲當頭坐諸神不敢當其中有一物嘗帶洞庭香全前

僖宗朝南平王鍾傳於真陽觀內修元齋忽一香爐自天而下其高三尺下有一盤盤內出蓮花一枝十二葉葉間隱出一物卽十二屬也爐頂有一仙人戴遠遊冠著雲霞衣其像端妙左手撐頤右手垂膝坐一小盤石石上有花竹流水松檜之狀雕刻竒怪非人功所及也其初降時凡邑民侵據本觀莊田卽飛於田所放大光明

邑民懼卽以其田還觀南平王聞其靈異遣使取至江西供養忽一夕失爐尋之却還舊觀故丞相樂安公孫俛南遷路經此觀留題末句云好是步虛明月夜瑞爐飛下醮壇前爐如金色可六七斤玉堂閒話

元

至正間瑞之上高縣有魯義山者世居縣之十五里葫蘆石畔嘗開肆於縣南之橋埠有瞽而丐者日過肆前義山輒禮而啖之久之丐者告義山曰明日有三人共一目者來君宜扣之至期果有眇一目者曳杖導二瞽者

過義山隨之拜於縣北之鷓鴣洲一瞽者以書授義山
且書沙指訣盡其秘妙書名銀河棹其後占卜如神預
言紅巾賊至令邑人避之賊至無所得欲殺義山以匿
免遂不復行其術密藏其書於葫蘆石洞中臨終謂其
子曰某月日有劉姓者過吾家當取書畀之慎毋洩後
伯溫丞高安果以事往義山家其子如言授之伯溫得
書便掛冠去

甘露園
短書

按此與傳小有異同然短書得之傳疑當以傳爲實

明

永樂間行人黃伯和奉使封王同里况文作望雲思親序
送之一時傳爲佳話伯和立朝有政聲卒不樂仕進以
養親歸

舊志

內翰吳學詩嘗與山人李堅飲於文昌閣酒酣屬對吳云
黃鶴樓畫橘岳陽樓飛觴朝蒼梧暮碧海萬里呼仙爲
酒伴李卽應聲云西山人對梅東籬人賞菊春長安夏
河朔四時拉我作花農

嘉靖間邑人易可久以株累繫南昌獄值遷貢院於寧藩
陽春書院故址當事徧求楹帖無當意者可久故工駢

語從獄中以帖上曰號列東西兩道交光直射斗簾分
內外一毫關節不通風當事咨嗟稱美遂釋其獄且各
加禮致厚饋焉舊志

北里人黃朝宣父故黔國公沐府贅壻朝宣由黔府荐拔
帥滇兵屢有功張獻忠蹂躪湖南朝宣自黔出銳師擣
其巢穴獲賊首送京師總督袁繼咸表其功擢爲副將
駐兵燕子窩何騰蛟開府長沙遣章曠調朝宣兵朝宣
自燕子窩至兵勢稍振順治二年五月李自成將劉體
仁郝搖旗等擁衆入湘陰朝宣引還騰蛟旣撫降體仁

搖旗等欲以舊軍叅之題授朝宣總兵官與新附諸軍
並列鎮湖南北時所謂十三鎮者也騰蛟銳意東下拜
表出師朝宣督兵攻袁州於城西鳳皇山築土城開濠
爲持久計進逼北城三年金聲桓遣副將白之裔來援
朝宣解圍去四年大兵入衡州朝宣被戮

按明史何騰蛟傳於朝宣多詆詞故不以入列傳
貢士黃縑偶儻好奇計當甲申之際天井窩寇猖獗副總
兵鄧林奇郭雲鳳圍賊首盧錦三劉奇龍於末山會闖
賊陷京師九江督袁繼咸聞警慮有變檄二帥旋兵縑

度賊已困可憐而撫之自陳於監軍捧檄入賊巢諭降
盧錦三劉奇龍等窩寇解散錦三至九江論誅傳首上
高賊甥李生三怨縑之賣其舅也與其黨黃鼎梅等糾
衆復亂縑從族兄監紀鼎夔調度方畧窩寇悉平跡其
才氣亦鄴生之流亞也

節錄黃鼎夔
三事始末

萬曆乙卯間得一虎身文皆作飛鳥走獸之狀香祖筆記
國朝

進士黃光岳令蘭谿日有少婦爲魅所苦光岳移文城隍
神逐之魅遂絕再令金華首爲告城隍神文以自誓中

有吾道在羹墻或稍枉以徇時便失却聖賢種子華人
皆子姓稍一倦於修己何以稱父母斯民况前寧海五
年力持廉潔卽近蘭谿一載倍矢冰淵不俟却四知之
金從沒分文到目何煩置一瓿之水實無片紙言情苟
有異圖方寸絕矣如敢虛妄神明殛之之語全文具載
宦越草

上高自任濤以詩名江西文章淹雅代有其人明則吳內
翰學詩黃西和鑑李山人堅爲之冠詩集未付梓散軼
過半雍正間光岳徵求三詩吳則體缺五言律絕李則

僅存五七言律若干首餘體流傳絕少黃則五都游得三十六首盱游稿得十三首蜀中游得一首京洛游得十一首入郢篇得九首署玉手談得四首黃文叔詩稿得八首湖西草得十五首閒居草得七十二首並爲梓以傳之顏曰三詩合編乾隆間纂修

四庫全書得存目於總集類中提要稱三人同時相倡和其詩格亦相似云三詩後則黃處士啟美求教編庶幾嗣響

國朝康熙間則潘內翰述祖諗齋詩稿雅稱高格雍正間

重修上高縣志卷末

知縣事古閩林元英纂輯

纂修縣志舊序

夫志爲記事之書由來郡邑莫不有之以備參考而獨於上高稱缺焉者是豈邑無可紀之事也哉蓋嘗求之省郡所載旣畧焉勿詳而先時若教諭杜君宗署縣事朱君孔年之銳意纂修者又以同志無人議論不合而業用以寢嗚呼此因革損益所以無徵而會通修輯之責意者其將有所待乎余自蒞政以迄於今竊有

未逮也適與

諸僚佐謀於學學諭鄭君廷俊出其

集諸稿以示

余愛而讀之井井有條可資采擇始議以共成焉未數月而鄭君潛心秉筆因舊文以加新法出已見以酌輿情始之以邑考秩官而大端備載終之以文苑傳疑而細務不遺其間條分縷析益簡刪繁凡可以洩百代之英華闡三才之精蘊者悉燦然若示諸掌余因喜曰可以志矣遂以請命於大邦伯陳公平岡校正於司訓葉君禎而壽諸梓雖云志之所載者跡而已矣若良法美意之不存而一於簡篇中求之固未可也然有此志則前後之官於斯生於

斯者並得而考之以彰善而動其奮興之念以瘳惡而起其悔悟之心以善政昔若而保此一方黎民以真材類應而昌此一方氣運則曠世相感之幾亦必有以繫之者使往事一無所紀而欲來者之有觀而感也又可得哉吁此志之所以不容終廢而余與鄭君其責有不能辭者因不敢諱其有所未當爲之証述以俟夫後之采集焉嘉靖甲寅八月知上高縣事黃岡陳廷舉謨

舊序

知縣劉啟泰

志何自而昉乎今之志卽古之史也

卽古之國也

古者列國皆設有史官紀言紀事以

法戒迨國之

統一縣之名分而列國之史遂廢後獲史而為志正以繼

史之窮也其所以備採訪示勸懲者顧不重歟今

聖

天子海內同風秀良蔚起東西朔南莫不尊親於是

詔

天下郡縣纂修郡載邑紀彙為一統全書以昭其盛予承

乏敷土責有攸歸乃廣集紳士而謀之竝索其舊志而紳

士皆有難色曰敷昔兵燹頻仍飢饉薦臻顛連困苦莫形

其狀流民圖尙望繪於鄭俠誰暇吹毫濡墨治邑乘以備

叅稽哉敷嘉靖以後未有成書職此故耳近荷

則盧處士從志所遭既窮多激楚之音著有自娛堂六

草今惟越吟草依彭草存黃氏藏書中儻合梓之為續

三詩合編亦風雅佳話也近則晏進士善澄天才高邁

著作亦富詩未付梓惟順治間李孝廉凌漢著有吳越

游草北游草嘗梓以行世特詩名稱為文掩知者絕少

重修上高縣志卷十二終

皇

恩浩蕩汰前明浮賦以蘇其困後蒙郡守劉痛教極疲題
逃題荒代補代賠而敖之元氣於是而稍振敖之故典於
是而可問矣康熙壬子郡守復慨然以修輯羣志爲念徵
志於敖敖無以應不過因陋就簡紀其嘖嘖於人耳目聞
者某人某事約畧續見於魏書若縣志則無有存者卽或
有魯壁之遺簡斷篇終不可攷敖志豈易成哉予聞之而
太息焉上高數百年無志今奉
朝廷大典不能補其萬一畧而弗詳雖守土者之愧亦爾
紳士之耻也况上高文雖缺而獻或
舊志據以新

聞亦庶可以無憾矣盍斷行之因開

北之多寶寺

於紳士中擇草創者若而人討論者若而人修飾潤色者若而人分其例綱舉而目張矣刪其繁詞約而旨該矣存其真去其訛傳信而不傳疑矣而其間不可不詳者田賦爲最焉清其源存其實所以待考也不可不慎者忠孝節烈爲最焉錄其大表其微所以示勸也不可或遺者秩官選舉爲最焉或功存德著而爲之備其記或世遠事湮而爲之載其名所以重爵而序賢也至於建置以及津梁寺觀無一而不登者所以知廢興示損益也未幾而志成諸

紳士咸歸功於予而以序爲請予曰昔無志而今有志異日

朝廷觀風問俗撫採不患其無徵司土者之斟酌時宜折衷不患其無據則壤之高下民數之登耗風俗之淳澆人物之臧否開卷瞭如指掌猶歟休哉伊誰之功歟雖然非偶也上值文教聿興車書統一之

朝廷有其時矣下值優賢禮士政簡刑清之郡守有其人矣時與人合而志成焉予何力之有哉予何力之有哉康熙癸丑歲季秋之吉知上高縣事清

泰謨

舊序

上高縣志自康熙十二年修輯成書而後至今蓋百三十有八載矣

國家

重熙累洽教化攸隆薄海內外風俗淳美文學振興上高據筠上游其山川秀美其人民重農務本其士君子力學敦行其間忠臣孝子節義之流政事文章之選蓋亦以時輩出豈獨前之人哉然而前志之闕至今始克增而續之以承往誥俟後賢此其中蓋有時會焉不可強也丙自嘉

聖

忠臣孝子節義之流政事文章之選皆得繼美前賢以垂諸奕禩而補前人所未逮則丙仰沐

天子之德化諸上憲之教育甄陶與吾士民鼓舞贊襄之助爲不偶矣夫又寧非其時會然耶爲之序嘉慶十有六年歲在辛未春二月知縣事廣德劉丙謹

慶十一年承乏是邑垂五載於茲仰荷

聖

天子膏澤覃敷人民和樂諸上憲寬厚優容若春風之煦
嫗萬物若江海之收納細流優游旃幪口爲其所不逮爲
且得旁及交儔惟士與民亦樂逢其適相與鼓舞奮興贊
襄厥美乃遂請諸上臺而始事焉而不謂其果至於成也
且由丙而上溯之百三十餘年中其爲邑長材智什百於
丙者不知其幾其徵求文獻用心與力之勞者又不知其
幾又稽之邑人往者乾隆五十四年王君道隆知縣事亦
嘗召集紳士草創增續究復中止

原本欲觀厥

重修高縣志卷末
成者亦復比比乃或上作焉而下

舉焉而人不

和夫豈其材智有不逮用心與力有未實歟毋亦其時會
然耳志一十有六卷爲門十有一曰輿地曰民賦曰祀典
曰學校曰戎政曰職官曰選舉曰人物曰藝文曰古蹟曰
雜記自康熙十二年以前則原本舊書離析其門類所不
合增訂其節目所未詳自康熙十三年以後則取乾隆五
十四年草本釐訂而增輯之以付剞劂皆同岑諸君子與
邑人士採訪考核編纂以成旣成邑人士以其書來稱美
於丙丙自度謏陋安足及此而卒用成此使百三十八年